

Людмила Васильевна БУСЫГИНА,

кылосбур тодосъёсыя кандидат,

Дышетон удысысь йёскалык ужпумъёсты эскеронъя

тодос институтысь тодослыко ужась

Кузубай Гердлэсь улон но ужан сюрессэ дышетонын Интернет-ресурсъёсты кутыны луонлыкъёс

Берло кызь вить аръёс ёже улонмылэн вань удысыёсаз сямен ик, дышетон удысэ но электрон технологиос (Интернет, электрон почта, электрон дышетон ресурсъёс но мукет) паськыт вёлмызы. Таула школаын пинальёслэн ас коязы выль тодон-валан утчан-шедьтон но ивортодэтэн ужан амальёс огдышем традиционной возьматыса-валэктыса (объяснительно-иллюстративной) ужан амал интые вуизы. Федерал кун дышетон стандартъёс школа азе выль куронъёс пукто: пиналлэсь ивортодэто культуразэ жутоно, тодон-валанъёссэ ас кожаз будэтыны, дышетскыны быгатйсь адымиез будэтоно. Ивортодэтэн ужанын, таин валче тодон-быгатон люканын аспөртэмлыко дышетскон ресурс луиз ини Интернет. Огласянь, со дышетйсьлэсь ужзэ капчиятэ, уроклы дасям материалъёссэ узырмытыны луонлык сётэ (тужгес но пусйыны кулэ аудионо видеоматериальёсты). Мукет ласянь, «цифровой поколениысь» пиналлэсь тодон-валанъёссэ, быгатонлыкъёссэ, тунсыкъяськонъёссэ паськытатыны юрттэ. Со сяна, Интернетысь кулэ материалъёс утчан сямен нылпи дышетскон өрзэ ачиз радъяны дышетске. Соин туалла вакытэ дышетйсь верась-валэктысь гинэ луыны кулэ өвёл ни, со нылпилэсь ужан радлыкэс чаклась-валтйсь луэ. Озыен, туалла нылпи дышетйсен огчөш дышетскон процессэз кылдытйсьёс луо.

Интернетэз удмурт кылэз но литератураез школаын дышетон удысын-кутон ужпумез эскеронэн валче трос юанъёс кылдо: пинальёслэн дунне вотэсысь материалъёсын ужаны луонлыкъёссы кычөөсь? Интернет удмурт материалъёсын узыр-а? макем со материалъёс жикыт пыртылэмын но оскымон луо? Ваньзэ тае лыдэ басытыса, дышетйсьёслы, литературатодосчиослы но методистъёслы бадзым саклык висьяны кулэ, дыр, Интернетысь материалъёслы, сайтъёслы, бамъёслы но соосты узырмытонлы.

Та кылуужын Кузубай Гердэн герзасъкем Интернет-ресурсъёсын тодматомы. Соос удмурт литератураез школаын дышетыны юрттозы.

Оглом Кузубай Гердлэн улон но ужан сюрессэз сярись лыдзыны луоно Википедиысь (https://ru.wikipedia.org/wiki/Кузубай_Герд), Удмурт Элькунысь Кузубай Герд нимо йёскалык музейлэн (<http://nmur.ru/about/gerd>), Удмурт Элькунысь Йёскалык библиотекалэн («Воршуд» (http://vorshud.unatlib.ru/index.php/Кузубай_Герд), <http://narodudm.unatlib.ru/>) но Удмурт кун университетлэн (http://v4.udsu.ru/default/kuz_gerd) сайтъёсысь-тызы, озы ик «Кузубай Герд» (<http://kuzebaj-gerd.ru/?cat=1>), «История Удмуртии» (<http://udmurt-history.ru/chozyaystvo-i-kultura/kuzebay-gerd.html>), «Погибшие поэты – жертвы коммунистических репрессий» (<http://vcisch2.narod.ru/index.html>) вотэсамъёсысь, «Помни Про» электрон мемориалысь (<http://pomnipro.ru/memorypage22397/biography>) но мукет Интернет-ресурсъёсысь. Жалыса верано луэ, чөмысь вань ивортодэт зуч кылын гинэ сётэмын.

Нимысьтыз висьяны луоз Удмурт кун университетлэсь вотэсамзэ. Удмурт кылосбуръя, финно-угроведения но журналистика институтлэн бамаз (http://v4.udsu.ru/default/kuz_gerd) тодмо удмурт гожъясьчиослэн улон но ужан сюрессы куинь-ныль кылын сётэмын: удмурт, зуч, англи но финн яке венгер кылын. Та вотэсамлы писательёс сярись ивортодэт дасяса, студентъёс, огласянь, тодон-валанзэс йылэто, ивортодэтэн ужаны, кунгожсьөр кыльёсты кутыны быгатэмзэс волято. Мукет ласянь, кунгожсьөр лыдзисъёсты удмурт гожъясьчиосын, удмурт литературалэн азинскемынзэ тодматом. Та ужъёс пыр кунгожсьөр лыдзисъёс удмурт гожъясьчиослэн биографиосынызы но кудог гожтосъёсынызы тодматскыны, удмурт литературалэсь историзэ син азязы пуктыны капчиен быгато.

Верам вотэсамъёс пöлысь нимысьтыз пусйыны кулэ Удмурт Элькунысь Йёскалык библиотекалэсь сайтсэ (<http://narodudm.unatlib.ru/>). Та сайтъёс «Народы Удмуртии» бам элькунамы ульсь пöртэм калыкъёслы, соослэн историзылы, кылзы-

лы, осконъёссылы но сямъёссылы сйезмын. Та бам – аспөртэм библиографический справочник кадь. Татысь капчиен шедьтыны луэ котькуд калыклэн культуразэ, историзэ, кылыз, дано гожъясьчиосыз сярись книгаосты. Пыртэмзын тунсыко фото- но видеоматериальёс. Кузубай Гердлы сйезем люкетаз («Кузубай Герд и современность») Йёскалык библиотекалэн фондъёсысьтыз шедьтыны луоно гожъясьчилэсь книгаоссэ, творчествоезлы сйезем критика гожтосъёсты, электрон презентациосты. Та вотэсамзын вань литература жажыосы кадь пыр-поч интыямын. Но вераны кулэ, ужаны капчи луысал, котькуд книгаез та бамысен ик усьтыны луысал ке, книгалэн пуштросэз гипертекст шуон амалэн ужасал ке.

Удмурт калыклэн дано пиезлы сйезыса, аспөртэм бам кылдытэмын «Удмурт дунне» газетлэн сайтэз (<http://udmdunne.ru/tag/кузубай-герд/>). Татын 2011-тй арысен кутскыса, Гердлэн нимыныз герзасъкем иворъёс но статьяос интыямын. Удмурт калыклэн дано пиезлы сйезыса, Элькунын но дуннеын ортчись ужрадъёсын озы ик «Мынам Удмуртие» телерадиокомпанилэн (<http://www.myudm.ru/taxonomy/term/1111>) сайтэз тодматэ. Пусьем вотэсамъёсын туж кулэ луись (актуальной) иворъёс интыямын, соос нылпиослы но, дышетйсьёслы но, анай-атайёслы но дырыз дыръя иворъёсты тодыны но пöртэм ужрадъёсы пырискыны луонлык сётэ.

Мукетыз тунсыко сайт – со дышетйсьлэн, тодосчилэн, критиклэн но журналистлэн А.Г. Шкляевлэн сайтэз (<http://shklyaev.ru/>). Сайт туж мылокыдо, ужаны капчи но валамон лэсьтэмын, трос тунсыко материалъёсын тырмытэмын. Школаын дышетскисъёс но, студентъёс но, тодосчиос но, огшоры удмурт литератураез яратйсь муртъёс но татысь асьёзлы трос тунсыкозэ шедьто: удмурт литература улонысь, удмурт культура но журналистика котырысь иворъёсты но мукет. Но жалыса верано луэ, сайт 2011-тй арысен выльдылэмын өвёл ни. Озы ке но, пусйыны кулэ, вотэсамзын нимысьтыз инты Кузубай Гердлы висьямын. Татчы пыремын Гердлэн гожтосъёсыз но Герд сярись статьяос, удмурт литература котырысь тунсыко юанъёсты сэрттйсь-пертчись ужъёс но мукет.

Малпамея, лыдзисълы озы ик тунсыко луоз «Возвращённые имена. Книги памяти России» (<http://vizz.nlr.ru/person/show/220628>) вотэсам. Татчы, удмурт тодосчиослэсь Гердлы сйезем ужъёссэс эскерыса-чакласа, вакчияк но тунсыко гожтэм А.М. Решетов, Санкт-Петербургысь Шундыжужанпал кигожтосъёсыя институтысь

этнограф-востоковед. Тодосчи трос но кема аръёс ёже ужамын пöртэм архивъёсын. Со трос кужымзэ сётйз репрессиясы шедем этнографъёслэсь но востоковедъёслэсь ужан но улон сюрессэс эскеронлы-чакланлы. Тодосчи историографилэсь выль өрзэ – «репрессированной этнографией» – кылдытйсь луэ.

Кузубай Гердлэн улонсытыз тунсыко учыръёс пыр тодосчи син азе пуктымон суредэ удмурт югдытйсьлэсь туссэ-образзэ. Тани, кылысь, А.М. Решетов вера Гердлэн гужем, турнан вакытэ вордйськемез но 14-тй ноябре, Кузьма но Диаманлэн нуналазы, черке пыртэмзы сярись, яке П.А. Флоренскиен тодматскемез но эшъяськемез сярись, Соловки монастырез тюрьма каремзы пумысь но мукет. «Удмурт литература», «История», «Шаертон» предметъёсыя дышетйсьёс та сайтэз ужазы кутыны но урокъёссэс узырмытыны быгатозы, нош нылпиос реферат гожтыкузы яке утчаськон-эскерон ужъёссэс быдэстыкузы, та вотэсамысь ивортодэтъёс вылэ чөлскыны пöрмытозы.

А.М. Решетовлэсь веранзэ азылантыса кадь Кузубай Гердлэсь нимзэ шедьтйськом ГУЛАГ-лэн виртуальной музейысьтыз (<http://www.gulagmuseum.org/showObject.do?object=214051&language=1>), 5421 ним пöлысь, списоклэн 75-тй бамысьтыз. Сайтын котькуд 5421 адыми сярись, ышем-быремзы сярись сюзэмез но визез портйсь ивортодэт сётэмын, котькуд 3093 документлэн, фотографилэн, арберилэн кузёез сярись верамын, ГУЛАГ-лэн бервыльёсыз 587 синпелет пыр возьматэмын. Та материалъёсты пайдалыко луысал пöртэм темая урокъёсын но ужрадъёсын кутыны: репрессияос улэ шедем авторъёслы сйезем урокъёсын, вордйськем шаердэ, кылдэ гажан но яратон сярись вераськон радъяку, огъя удмуртлыкмы сярись юанъёсты эскерыку но мукет. Та сайтлэн туж бадзым визьнодась кужымез.

Жалыса верано, туннэ нуналлы Интернетын Кузубай Гердлы сйезем нимысьтыз виртуальной музей өвёл на. Али дыре дунне вотэсысь шедьтыны луэ Владимир Романовлэсь гинэ музейзэ. Озы ик Алнаш черкогуртысь Историко-литературной музейлэн вотэсамаз Ашалычи Окилы но Геннадий Красильниковлы сйезем виртуальной туръёс чөктэмын. Нош Ижкарысь 97-тй номеро школаысь дышетскисъёс «По литературным местам Удмуртии» нимаськись виртуальной экскурсия дэмлало. Шумпотымон луысал, Интернетэ пырыса, Кузубай Гердлэн но виртуальной музейз вуылыны. Одйг интыын туспуктэмъёсыныз, гожтосъёсы-

ны, бичетъёсыныз тодматскыны, дано удмурт азьветлйсьмылы пуктэм синпелетъёсты учкыны, тодосчиослэсь ужъёссэс, Гердлы сйзем ортчись ужрадъёс сярысь лыдзыны, видеофильмъёс учкыны, гожъясьчилэсь аслэсьтыз куараз кылзыны, Кузедбай Герд нимо йёскалык премиен пусъем муртъёсты тодыны луысал.

Фильмъёс сярысь верано ке, http://yumshanpromo.blogspot.ru/2010/01/blog-post_15.html адресъя «Кузедбай Герд» фильмысь люкетъёссэ (сценарийлэн авторез – Вера Пантелеева, режиссёрез – Лев Вахитов; «Удмуртия» ГТРК, 1998-тй ар), нош <http://kuzebaj-gerd.ru/> адресъя «Советский Урал» киножурналысь «Дело Герда» документальной фильмез (1988) учкыны луоно. Та фильмъёс но виртуальной музей нылпиослэсь личностной ужъемышьёссэс кылдытонын но азинтонын бадзым инты басытозы: анай кылэз, вордскем шаерез, артэ улйсь калыкез юнгес гажан мылкыд пычатыны, асваландэ бюджетны, улонын кин луэмдэ, кычэ выжыкысь потэмдэ валаны, ас визьмыныд тодон-валан люканэз дунъяны юрттозы.

Нош удмурт литературалэсь чеберлыксэ валаны, удмурт крезьгурлэсь но кылбурлэсь мурдалазэ

шодыны, удмурт кылбурчилэсь сюлэм гурзэ кылыны, пушдуннезэ, дунневаланзэ шодыны юрттозы Кузедбай Гердлэн кылбуръёсызъя гожтэм но <https://mp3google.ru/mp3/Кыльёсыз%20Кузедбай%20Гердлэн> адресъя Интернетэ интыям куать кырзан: «Тоды льомпу», «Удмурт музеймлы», «Зарни шундыед чукна жужалоз», «Чебер льомпу сясыка-яське», «Гырлыос жингырто», «Горд армие». Но жаляса верано луэ, Кузедбай Гердлэсь сюсь валике гожтыса кельтэм чылкыт чебер куараен кырзамзэ, Интернетысь шедьтыса, кылзыны уг луы. Нош туннэ, XXI дауре, туалы нылпиослы Гердлэсь куараз кылыны тунсыко луысал, малпасько.

Огъя вераса, Кузедбай Гердлы сйзем материалъёс Интернетын ожыт өвёл. Озы ке но, соос уже кутымон, тунсыко но тодмо мед луозы шуыса, вотэсбамъёсысь материалъёсты весь выльдоно, ватсанъёс пыртылоно. Дышетон удысын рос-прослэсьтэм сайтъёсысь зеч материалъёсты гинэ уже кутыса, нылпиослэсь тодон-валанзэс бюджетны, творческой быгатонлыкъёссэс азинтыны, тодонлыксэс ас кожазы будэтон мылкыдзэс бугыртыны но ивортодэто культуразэс жутыны луоно.



Дано удмурт кылбурчилы сйзьяса

Удмурт калыклэн дано пиезлэн, югдытйсьлэн, кылбурчилэн, тодосчилэн, мерлыко но кун ужасьлэн Кузедбай Гердлэн вордскемез дырысен 120 ар тырмиз. Та лыдпусэн валче элькунамы пöртэм ужрадъёс ортчизы но ортчоч. Соослы кутскон сөтйз, шуыны луоз, 12-тй толшоре Ижгарысь Г.Д. Красильников нимо музей-квартираын радъям жыт. Ужрадэ пыриськизы литературатодосчиос, журналистъёс, суредасъёс, дышетйсьёс но дышеткисъёс. Соос кенешизы, кытй эчешизы но, Кузедбай Гердлэсь чеберлыко кылёсбурзэ азыланаз эскерон но печатлан, виртуальной музейзэ



кылдытон пумысен. Кылсярысь, кылобур тодосъёсыя доктор, профессор В.К. Кельмаков дано кылбурчилэсь гожтосъёссэ, редакторъёслы луыса, ас туссэс ыштыса печатлан ужпумез жутйз. Озы соос 1960–1990-тй аръёсы книгаосын потылллям. Юан кылдэ: школалы чаклам удмурт литература учебникъёсы Кузедбай Гердлэн редакторъёсын исамтэ яке тупатъям кылбуръёсыз пыртэмын меда? Валэктон сөтэ Гердлэсь чеберлыко кылёсбурзэ эскерись литературатодосчи С.Т. Арекеева: «Кычёосыз пыртэмын, юромом эскеремын но чöшатэмын өвёл. Но, мынам малпаея, со вакытысь гожъясьчиосмылэсь ужъёссэс хрестоматиосы пыртыку, вераськетъёсын герзаськем кыльёсты кельтыны кулэ, соослы валэктонъёс сөттыса, нош орфография но пунктуация ласянь аспöртэмлыкъёссэс туалы куронъёслы тупатъяно».

Андрей КЛЕМЕНТЬЕВ